Dissertatio inauguralis medica de inflammatione intestinorum ... / praeside Casimiro Christophoro Schmidelio ... pro doctoris gradu ... auctor responsurus Iohannes Casparus Ott.

#### Contributors

Schmidel, Casimir Christoph, 1718-1792. Ott, Johann Kaspar. Universität Erlangen.

#### **Publication/Creation**

[Erlangae] : Litteris Joannis Friderici Beckeri, [1747]

#### **Persistent URL**

https://wellcomecollection.org/works/scfba9p2

#### License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org DISSERTATIO INAUGURALIS MEDICA DE INFLAMMATIONE INTESTINORVM

3

RECTORE MAGNIFICENTISSIMO SERENISSIMO PRINCIPE AC DOMINO DOMINO FRIDERICO

MARGGRAVIO BRANDENBVRGICO BORVSSIAE SILESIAE CAET. CAET. DVCE, BVRGGRAVIO NORIMBERGENSI RELIQVA CIRCYLI FRANCONICI DVCE MILITARI SVPREMO ET TRIVM LEGIONVM ATQVE COHORTIVM PRAEFECTO

DIRECTORE GRAVISSIMO VIRO PERILLVSTRI ATQVE EXCELLENTISSIMO DN. DANIELE DE SVPERVILLE

SERENISS. PATRI PATRIAE A CONSILIIS SANCTIORIBVS ACA-DEMIAE FRIDERICIANAE ERLANGENSIS CANCELLARIO PERPETVO

AVCTORITATE ILLVSTRIS ET GRATIOSI MEDICORVM ORDINIS PRAESIDE

CASIMIRO CHRISTOPHORO SCHMIDELIO

SERENISS. MARCHION. BRANDENB. A CONSILIIS AVLICIS MEDICINAE DOCTORE, EIVSDEMQVE P. P. O.

IN ALMA FRIDERICIANA ERLANGENSI PRO DOCTORIS GRADV

SVMMISQVE IN MEDICINA HONORIBVS ET PRIVILEGIIS RITE AC LEGITIME CONSEQVENDIS AD D. XXI. APRIL. MDCG XXXVII. PVBLICO ERVDITORVM EXAMINI SVBMITTIT AVCTOR RESPONSVRVS

IOHANNES CASPARVS OTT SCAPHVSA - HELVETVS. Digitized by the Internet Archive in 2019 with funding from Wellcome Library

ATAN

MOO

https://archive.org/details/b30782089



# DISSERTATIO INAVGVRALIS MEDICA DE INFLAMMATIONE INTESTINORVM.

§. I.

C

um in praesenti hac Dissertatione Intestinorum inflammationem pertractare animus mihi sit, haud abs re fore censeo, si ex Physiologia et Anatomia de structura et vsu intestinorum pauca quaedam patholosettes descriptioni praemittam. Amplissi-

víu intestinorum pauca quaedam pathologicae nostri affectus descriptioni praemittam. Amplissimus quidem mihi ses offerret campus, si quaeuis Entis Supremi artificia vel ex solis intestinorum fabrica et actionibus euoluere conarer, vbi consideranda essent volumen supremi fiue longitudo totius tractus intestinalis in tam arctum set actioset coma plica-

#### DISSERTATIO INAVGVRALIS MEDICA

plicationes, connexio eorundem cum mesenterio artificiosissima, vel varia et necessaria eorum differentia ratione capacitatis, structurae, vsus etc. aut subtilitas non prosequenda vasorum innumerabilium, quibus quaeuis intestinorum puncta quasi scatent, vel vsus harum partium multifarius, vel tandem motus eorum continuus, quo certe, si alia taceam, assumtorum cum contentis, resolutio, mixtio, mutatio, particularum nutrititiarum ab inutilibus separatio, et separatarum per vasorum lacteorum ostiola reforptio, ficque nutritio nostri corporis non exiguo facilitatur momento. Sexcenta alia praeterire cogor, nisi hac ipsa sciagraphia contra finem harum pagellarum agere velim. Ex omnibus hisce ergo ad rhombum huius tractationis adaptare mecum constitui breuem tunicarum intestinorum, et vasorum tam nerueorum quam sanguiferorum descriptionem, quo sic eo facilius pateant rationes: cur morbi intestinorum tam frequentes sint, praecipue eorum inflammatio? Vnde atrocissima hujus affectus fymptomata? Cur faepies lethalis? Cur tandem morborum huius generis cognitio medico rationali tam necessaria fit?

§. II.

Per intestina intelligimus canalem illum longum, membranaceum, cylindriformem, a pyloro ad anum vsque extensum, qui variis anfractibus et complicationibus fibi inuicem et aliis abdominis visceribus incumbit, mesenterio artificiose colligatus est, et in peritonaeo tanquam sacco continetur. Vnum quidem et continuatum conftituunt canalem, placuit tamen dudum fabricae humanae

2

manae scrutatoribus ob diuersas, quas hinc inde obtinent conformationes, capacitates, contenta forsan et vsus, illa distinguere in intestina tenuia et crassa; quorum portiones etiam propria sortitae sunt nomina, audiunt tenuia: Duodenum, Ieiunum et Ileon, crassa: Coecum, Colon, et Rectum. Tractus huius intestinalis vsus generatim in eo consistit, vt ingesta, quae ventriculi actionem iamiam passa sunt, non tantum assumat; sed illa affluente liquore bilioso et succo pancreatico in pultem albicantem, chymi nomine notam mutet, sicque ad chylisicationem disponat, particulas oftiolis vasorum lacteorum adaequatas suppeditet, quae ope horum vasculorum sanguini admiscentur; reliqua autem non subigenda excrementorum nomine notata ad anum, et tandem extra corpus promoueat. Quantum autem quaeuis intestinorum portio actionibus hisce producendis tribuat, quod praeter alia demonstraret discrepantia vasorum intestinorum inter se ratione distributionis, vnde absque dubio simul vsus eorum differens pendet, prout idem adducit Bernh. Siegfr. ALBINVS a) latiori, quam quae angustis contineatur paginis, indiget explicatione.

# S. III.

Tunicarum igitur ex ordine primum aggredientibus evolutionem, variae se offerunt Anatomicorum recensiones. De numero enim harum tunicarum constituendo debellarunt inter se et veteres et nostri aeui scriptores. A 2 Tres

a) Diff. de Arteriis et venis intestin. hominis, cum icone coloribus distincto Lugd. B. 1746. p. 8.

#### DISSERTATIO INAVGVRALIS MEDICA.

Tres tantum distinctos parietes admiserunt quidam b) alii autem c) quartam annumerare tunicam non dubitarunt, dum alii d) ad quintam, sextam et vltra e) ascenderunt. De quaterno numero certo non adest ratio, cur negetur, cum leui negotio cuiuis indagatori appareat. Substantia autem cellulofa, quae cuiuis horum parietum intertexta est, moxque neglecta, mox euoluta pro subiecti ratione, incertum effecisse videtur tunicarum numerum. Litem hinc facile componi posse arbitror, vbi compagem hanc cellulosam, cuiuis parieti interpositam, quae caeteroquin omnes fere nostri corporis fibras circumdat, nec in quouis organo speciatim consideranda venit, neque in omni subjecto eucluendam se sistit prorsus eiecerimus, sicque quatuor intestinorum collocauerimus tunicas. Primaitaque quae nobis obuenit tunica membranacea, a mesenterio adeoque et a peritonaeo originem trahens tubum intestinalem ordinat, firmat, semper liquoribus in cauo abdominis transfudantibus lubrica, motum peristalticum facilitat. Altera muscularis dicta densitate illam superat, fibrisque suis carneis partim longitudinalibus, orbicularibus partim, quae maiore tamen iure segmenta habentur. circuli, proprie motum intestinorum efficit vermicularem;

dum

- b) BAVHINVS Cafp. Theatr. Anat. p. 123. BARTHOLIN.
- Thom Anat. Ref. p. 81. c) VERHEYEN Anat. C. H. p. 85. KVLMVS Tab. Anat. p. 156.
- d) RVYSCH Thef. Anat. 6. N. 19. BOERHAV. Inflit. §. 94. HEISTER. Laur. Comp. Anat. Ed. IV. S. 211. p. 82.
- e) Idem HEISTER Tom. II. Not. 11. L. (a).

େ

dum fibrae contractione sua alternantes, moxque longitudinem tubi intestinalis, mox latitudinem mutantes, contenta protrudunt. Musculari huic tunicae succedit neruea, ex tenuissi filamentis nerueis, structuram cellulosam imitantibus, constans, vasisque simul sanguiseris intertextis totum intestinorum tractum inuestit. Hisce superaddimus tunicam quartam villosam nempe, quae ex villis vasculosis arteriosis, venosis, papillisque nerueis consistit, vereque chyli reforbendi organon est, quippe qui in patula per hanc tunicam vasorum lacteorum oscula irruens, vltraque promotus sanguini admiscetur. Caeteris interim haec tunica longior reperitur, dum eiusdem portiones duplicatae fibrillis nerueae hinc inde firmatae assure and the sum of the

# §. IV.

Nerui inteftinorum a Pari intercostali communiter vocato, et Pari octano sine vago ortum trahunt. Possem quidem vtriusque paris decursum ab originibus vsque in abdomen simul exponere, cum id poscere videatur viscerum nostrorum consensus cum tot reliquis corporis humani partibus. Breuitatis autem studio hoc vnicum notare lubet, de origine Intercostalis paris multum inter Anatomicos disceptatum iam esse. Negant quidam, affirmant alii, par quintum seu diuisum ad paris intercostalis primordia aliquid facere. Posteriorem sententiam euertere, stabiliendo priorem, nuper modo susceptunt clari in arte viri Illustr. HALLERVS f et Cel. HVBE-A 3 RVS

f) Diff. de vera origine nerui intercostalis. Goetting. 1743.

#### DISSERTATIO INAVGVRALIS MEDICA

RVS g) a solo pari sexto seu abducente ortum intercostalis deducentes, errorem contraria credentium inde natum esse asserunt, quod omnibus arteria, a carotide interna in finu cauernoso ad nutriendos neruos ibi positos, dimissa imposueritadeo, vt eius ramulos pro paris quinti filamentis habuerint. Dari tamen, quod pace diligentiae horum virorum dictum volo, euidentes paris quinti ad formandum par intercostale nexus et concursus, etiam sub hac arteria et alibi, pluries vidit, publiceque nuperrime monstrauit Illustris et venerandus D.PRAESES, mox plenius omnia declaraturus. Vt autem in iis, quae ad scopum meum propius pertinent, breuiter me expediam, ordiar succinctam meam paris intercostalis et vagi expositionem ab eorum ingressu in abdominis cauum, ibique solum ea prosequar, quae proprie intestina concernunt. Intercostale vtrimque duobus truncis diaphragmatis carnem, cui ramos largitur, inter appendicum fibras penetrat. Vagum totidem truncis cum oesophago, quem in laxioris retis formam frequentibus anastomosibus cin-Anteriores intercostalis et posteriores xerunt, emergit. praesertim vagi trunci concurrunt inter arteriam coeliacam et mesentericam superiorem; ex hac vnione oriuntur ganglia sic vocata semilunaria, quorum cornua exteriora. intercostalis plerumque efficit. Congeries est totum hoc corpus plurimorum minorum gangliorum, quae in vtroque iliendo priorem . puper modo fulceperunt clari

latere

g) Epistola Anatomic. de neruo intercostali neruis octaui et noni paris deque accessorió ad D. D. Wigend, Goetting. 1744.

f) Diff de vera origine nerui intercostalis. Coetting, 1743.

latere lunatam hanc formam componunt, et simul dum Aortae trunco incumbunt, coeliacam arteriam supra infraque adeo denso nexu filamentorum, quorum quidam ad mesolocon tendunt, amplectuntur, vt extricari ne-queant: similia fere circa arteriam mesentericam superio-rem fiunt. Ex gangliis hisce proficiscuntur rami, qui plexuum nomen merentur, ad glandulas fupra renales, renes ipfos, fplenem, duodenum, pancreas, hepar, magna in primis eorum vis ductum arteriae mesentericae superioris sequitur, et plexum mesentericum superiorem, radiorum in modum per mesenterium vsque ad tenuium intestinorum substantiam dispersum constituit, ex quo non solum rami ad praedicta viscera iterum, sed et ad arteriam mesentericam inferiorem abscedunt, ibique plexum eiusdem nominis faciunt, ad cuius formationem tam plexus renalis, quam ramus intercostalis paris posterior suas tribuit partes; hic interalia praesertim, postquam cum anteriori primi lumbaris ramo coiuit, ramum vtrimque vnum antrorsum dat, qui in sinistro latere vni ex potioribus plexus ipsius ramo adcumbens, ibi confunditur cum congenere isto, qui a dextra plaga corpora vertebrarum traiicit, quo facto reliquis plexus mesenterici fibris implicatur. Is idem plexus ad intestina ibi sita, ad slexuram Coli sigmoideam, peritonaeum ac vicinas partes discurrit, et ramos super vltimas lumborum vertebras ablegat; hi se iungunt trunco intercostalis paris posteriori, qui per totum abdominis spatium ad vertebrarum latera decurrit, fingulorum lumbarium neruorum ramis anterioribus per surculos concrescit, in peluim descendit, vbi similis cum facris 1. 11. 11. 90 %.

facris neruis ipfi communio est, et tum ramis ex plexu mesenterico inferiori auctus, spermaticis vasis, vesicae vrinariae, vaginae vteri in seminis, et intestino recto vsque ad eius finem in postica parte multiplici fibrarum directione inseruit.

§. V.

Vasorum quoque intestinalium breuis reddenda est ratio. Duplicia funt arteriosa nempe et venosa. Duodenum ob flexuras fuas pluribus visceribus vicinum arterias inde reportat, quarum tamen neque omnes neque femper fatis constantes sunt. Habet fic arterias ab hepatica, gastrica dextra, quasdam cum pancreate communes vt et a mesenterica superiori. Ad reliqua intestina per mesenterium ordinatur arteria mesenterica magna f. superior, et altera inferior, cuius ramus ad intestinum rectum haemorrhoidalis interna dicitur. Harum autem distributionibus idec non moror, quia fatis, vt credo, notae funt. Praecipuus omnium finis est, vt intestinis sanguinem aduehant. Interdum tamen aliorsum se diffundunt. Ad hepar mesen tericam superiorem arteriolas mittere nominetenus af fert HEISTERVS b), et ex hoc BIANCHI i). Supplebo itaque alicuius habitum, quem clarissimus D. PRAESES aliquando vidit et communicauit. Mesenterica nempe superior, post ortum ex Aortae trunco non retro duode: num sed super illud vlterius pergens, nullum intestino huic, prout alias solet, dedit surculum, antequam autem in

b) Comp. Anat. p. 88.

i) Hilt, Hepat, Tom, II. p. 903,

DD , DOST JUJON

in ramos mefentericos discerperetur, oblique fursum reflexit ramum, qui sub pancreate delitescens ad eius caput dimisit ramulum vnum, alterum vero ad contiguam ibi duodeni plagam, post pylorum deinde altiora petiit, et vesiculae felleae propior factus ramum ad eam ablegauit, qui postmodum bisurcus cysticas fecit gemellas; tandem pone latus vesiculae finistrum ad hepar penetrauit, sinus venae portae dextri medio adsociatus, in tres abiit ramos, quibus lobo maiori et minimi parti inferuiit per substantiam horum loborum pro consueta lege distributus. Adeo capax suit descripta haec mesentericae soboles, vt prope hepar quoque arteriam eam amplitudine superaret, quae ex coeliaca ramus dexter esse folet, et in hoc indiuiduo corpore folum lobo finistro tribus ramis, tum lobo minimo f. Spigelii ramulo vnico se commist.

Venae intestinorum, arteriarum suarum comites, fanguinem inde reducem omnem Venae Portae infundunt; ab intestino Recto et Colo sinistro reuehit baemo rhoidalis vena interna, aut splenicae aut mesentericae aut ipsi Venae Portae trunco inferta: a reliquis intestinis mesenterica, super socia arteria cognomine superiore, duodenum traiiciens, postquam ex pluribus hic sitis visceribus canales recepit in trunco eodem venae Portae finem inuenit. Quae venulae a duodeno veniunt, neque vni harum nunc nominatarum iam infertae sunt, in ipsa vena Portae finiuntur.

#### §. VI.

Praemissis nunc iis, quae ad generaliorem intestinorum cognitionem pertinent inflammationis quoque ideam

B

fiftere

### DISSERTATIO INAVGVRALIS MEDICA

fistere suscipio. Inseparabile inflammationis requisitum est stassi fanguinis purpurei in vasis arteriosis; k) venosa enim vt subiectum inflammationis minus adaequatum fummo iure reiiciuntur; 1) nec vasa arteriosa maiora, quatenus canales constituunt, talem pati posse obstructionem, ideo patet, quod notabili fatis sanguinis quantitati simul peruia sint. Canales minores sanguinem purpureum adhuc vehentes stass supra dictae obnoxios esse, triplici argumento clarum est. Compressione enim horum canalium violenta fluido denegari poterit transitus, vel (pasmo quodam p. n. ad eam coarctari possunt paruitatem, vt sanguis in illis coeat, vel demum fanguis ipse adeo spisses potest; vt difficulter aut plane non permeet vltima orificia canalium minoris capacitatis; cum tamen vasorum lateralium repletio per sanguinem purpureum plerumque aut concurrat aut sequatur, hinc ad explicanda inflammationis symptomata vasis lateralibus vel serosis maxime opus erit.

#### 6. VII.

Ponamus ergo casum, vbi sanguis purpureus in vascula lateralia non sanguinem sed aquosos tantum liquores confueta lege ducentia pellitur, quod leui negotio fieri poterit vel impulsu maiore liquidorum, vnde aucta canalis sanguiferi diameter oftiola vasorum lateralium fimul ampliora reddit, sublato tantum aequilibrio, quod in statunaturali inter impulsum et resistentiam praesupponit.,

im-

- k) BOERHAAV. Aphorifm. 371. et 373.
  l) Vid. Diff. de Inflammat. Pathol. Praef. Celeb. HAMBERG. Ien. 1745.

10

impulsus auctus superabit resistentiam vasorum lateralium, quo fit, vt admittant fluida, quae antea non habuerunt; aperta sic concipi poterit globulis sanguineis via in vasa sic dicta serosa, quorum transparens color in sensus incurrens Ruborem oftendet, vel maiorem vel minorem, pro quantitate nempe et situ magis vel minus profundo vasculorum ita affectorum. Sed neque solum impulsum maiorem sanguinis et ruborem inde prouenientem, neque sanguinis motum auctum, vt expressis loquitur celeb. PLATTNER. m) verbis, inflam mationem ipsam constituere, inde sat clare patet; dum rubor ille pudore excitatus nullos plane producit effectus moleftos, ino phlogosis momento citius aliquando existens in statu fumme naturali animaduerti poteft. Hinc ad inflammationem gignendam requiritur continuata sanguinis actio in vasa lateralia, donec vis eorum elastica tantum sit superata, vt expellere nequeant globulos contentos. Idem autem effectus sua sponte oriri potest apertione osculorum in vasis minoribus, quae serosa nominauimus, ex debilitate fibrillarum oftiola horum vasculorum componentium relatiua, vel atonia, vt aiunt, plenaria proueniente. Relaxatis itaque oftiolis vaforum lateralium globuli fanguinei pergunt iter, donec angustia canaliculorum, qui eodem arteriarum artificio constructi, id est, conici vel fensim angustiores sunt, obicem illis ponat; motus hinc sanguinis progressiuus retardatur, imminuitur, tollitur plane, vnde obstructio; sanguis presso pede insequens reditum denegat, parietes vasculorum extendit, sicque replentur vasa minima fluido crassiori, vnde Tumor; Vasa etiam

B 2

in

m) Institut. Chirurg. S. 30.

in confiniis posita eam in se recipere debent sanguinis quantitatem, quam in statu integritatis vasa nunc obstructa capiebant, hinc alia tumoris causa desumenda erit, de cuius tamen incremento et reliquis phoenomenis §. seq. plura dicentur.

#### §. VIII.

Si porro verum est, quod nemo dabitat, sanguinem motu progressiuo in debita mixtione conservari, hoc ipso fublato augebitur motus eius intestinus, sicque cruoris partes intime alioquin mixtae, cum quod impediat non adsit, pro sua natura secedunt. Superfluum tritum calcare tramitem, partes sanguinis nostri primas constituentes enumerando, enumeratas probando; sufficiat nobis constare sanguinem ex partibus heterogeneis vt vocant, salinis, sulphureis, aquosis, terreis etc. Experientia iam docente fluidum e partibus a se diuersis constans, motum antea, nunc quiescens secundum gradus specificae grauitatis partium suarum agere dicimus. Sanguis itaque stagnans eadem patietur: Partes hinc salinae liberae pro activitate sua stimulando, penetrando in minima interstitia, mutando pristina contactus puncta adgrediuntur resolutionem, sicque liberationem aliarum partium facilitant; eae ergo, quae sub forma fulphurearum sanguini admixtae erant, mixtione debita euanescente ignearum sibi relictarum nomen ac indolem induunt, simulque conbinatione salium acres redditae, conspirant viribus quasi coniunctis in maiorem maioremque resolutionem, quae si ad vltimum perducitur gradum, destructione finitur. Aqueae partes diluendo et temperando actiuitatem aliarum partium alias agentes, et pauciori ex

hypo-

a . C. gunid

hypothesi quam in statu sano aderunt quantitate, et ob subtilitatem per interstitia sensim sensimque secedunt; hinc ex defectu potius salium et sulphurearum partium concentrationem promouent. Terreae demum pro indole sua deponentur. Manifestam ideirco causam Caloris maioris ex liberatione partium ignearum fieri censeo. Resolutione autem et tensione solidorum per infarctum supra dictum et irritatione partium salinarum liberarum molesta illa sensatio vel Dolor orietur, partes sic ambientes ad maiorem incitantur constrictionem, prout id in corpore viuo et sentiente consueuit, inde maior liquidorum in easdem determinatio et affluxus oritur; aucta hunc in modum quantitate fluidorum in loco speciali, eiusdem intumescentia siue maior moles immediate fluit; habemus adeo plures tumoris (§. praec.) causas, quae extensione fibrarum ipsa et inde pendente iterato affluxu liquidorum semper nouos acquirunt sontes. Dolor tandem pulsans sentitur, si tumor in plaga arteriae cuiusdam notabilis existit, ideoque fibrae partium ambientium p. n. tensae vibratione eiusdem arteriae quauis molestius afficiuntur.

§. IX.

Est ergo Inflammatio in genere stafis sanguinis purpurei in motum intestinum abeuntis in vasculis arteriosis aliquando sanguiseris, maxime tamen serosis vel lymphaticis existens, rubore, tumore, calore et dolore (vt plurimum pulsante) coniuncta. Requirimus motum intestinum vt initium a medio hoc est inflammationem a stafi discernamus. Quamuis autem definitio haecce omnibus competat inflammationibus, sicque morbus per se sit mere particularis; cum nec stafis nec in farctus omnium sangui-

neis

neis globulis diametro minorum canalium fimul et femel concipi possit. Inflammationem autem vt morbum particularem absque vniuersali per se subsistere, etiamsi contraria credat Celeb. PLATTNER n) edocemur vulneribus leuioribus in pus coctum abeuntibus.

S. X. Distinguuntur hinc inflammationes ab auctoribus vel ratione gradus aut durationis, vbi nempe molesta illa sensatio et omnia enarrata signa absque vlla remissione augentur, quod certo Gangraenam tanquam summum inflammationis gradum indicabit; tandem vero partes sensim sensimque inflammatae extra contactum veniunt et penitus destruuntur, vel quod idem est, sensus omnis et motus simul perit et tunc sphacelum tanquam funestum inflammationis exitum adeffe concludimus. Ratione euentus, vbi vel resolutio staseos impetratur, vel mutatio fit partium stafin constituentium cum resolutione solidorum coniuncta, in tertium aliquod vel blandum homogeneum, pus nempe coctum, vel acre, rodens, saniosum, hinc vlcera mali moris, scyrrhi, cancri ortum trahunt; quae singula enarrare et explicare cum instituti mei non sit praetereo. Distinguunt porro ratione loci, vbi inflammationes subsistunt et vocantur internae vel externae, priores quidem plerumque periculosiores hisce existunt, ast non semper, quod probant minimae tendinum vel neruorum laesiones lethales. Maioris itaque ponderis erit distinctio, vbi partes inflammatione laborantes in censum veniunt, ficque confiderantur ratione simptomatum; vbi inflammatio

vt

n) 1. cit, §. 49.

14

vt morbus particularis vel per fe fubfiftit, vel cum vniuerfali coniuncta eft; illa in partibus minus fenfilibus v. gr. in integumentis corporis et fubftantia cellulofa mufculorum locum habet, haec autem femper partes fenfiliores occupabit, huc referuntur vifcera inprimis nobiliora, quippe quae ob ftructuram maxime nerueam, hinc fenfibilitatem fummam, irritationes fupra notatas in partes non folum vicinas, fed ad omnes eiusdem ftructurae communicant. Fit inde, vt maior conftrictio vaforum maiorem fanguinis producat reactionem, eius motus progreffiuus augeatur, pulfus fiatmaior, durus, celer, frequensdiffipentur partes humidiores, corpus ficcefcat, liberentum in toto corpore partes igneae iufto plures, adfit intemperies calida et fic accenfa fit Febris inflammatoria.

§. XI.

Inter viscera haec nobiliora non vltimum merentur locum intestina, prout id ex eorum structura et actionibus (§§. antec.) euictum est. Quam primum ergo in illis eadem quae de inflammatione proposuimus gradu quodam infigniore o) contingant, laborabunt iamiam affectu, quem his in paginis explicare animus mihi fuit. Monendum tamen erit in inflammatione intestinorum ruborem nunquam in sensus incurrere; quia intestina sub multis integumentis statis profunde latent, eandemque ob causam tumor

 Adfunt enim historiae morborum et experientia subinde testatur, leuiores intestinorum et ventriculi inflammationes non semper accendere sebrem.

Operation Mode L. H. p. 193

tumor eorum vix vnquam, nisi maior existat, nec visu nec tactu se prodet, dum haud concipi licet, parietes intesti norum relatiue tenues, in tantum increscere posse volu men, vt prominentiae eorum in abdomine animaduert queant.

#### §. XII.

Restant ergo vt signa inflammationis intestinorun manifesta: calor vel potius ardor acutissimus corunder lancinans, dolor pungens fixus arteriarum pulsui respon Praecipuum tamen et certissimum fignum eri dens. febris inflammatoria acuta, quacum plerumque ali coniuncta sunt symptomata, virium nempe prostratii fumma, appetitus deiectio, ciborum auersio, conatus vo mendi, anxietates praecordiorum, angustia, inquietudo agrypnia aliaque. Pro diuersitate etiam regionum, qua enarratis laborant inflammationis symptomatibus indica tur plerumque, num tenuia vel crassa afficiantur intestina in illis sedem morbi quaerendam esse, prodet dolor imma nis acutissimus medium occupans ventrem, circa vmb licum et regionem maxime hypogastricam, borborygm conatus vomendi vel vomitus ipfi, aluus claufa vel excre tiones si adsint tardiores; prout idem annotauit BOER HAAV. p) LOMMIVS 9) addit: vehementius et crebriv delirium incidit. Crafforum inflammationi e contrari propria sunt: dolor iuxta stomachum et vtrimque ad la tera sub hypochondriis non tam grauiter affligens, to: mina vero frequentiora, et post illa cita alui exoneratic

for accordere 1 branne

cae-

p) Aphorifm. 960.

g) Obseru. Med. L. II. p. 159.

caeterum remissiora veplurimum sunt symptomata inflammationis crassorum.

#### 6. VIII.

Locus interim, quo aeger maximam sentit cruciatus vim, intestinorum portiones affectas indicabit specialissimas iis, qui fitus eorum indagationem non in limine tantum salutarunt; grauioris ex. gr. Duodeni et Ventriculi inflammationis notae erunt: dolor igneus circa praecordia, ictericus faciei color, singultus, deiectiones biliosae per superiora et inferiora iunctae cum cardialgia etiam syncoptica et facie aliquando hippocratica. r) Coloris icterici caussa in retentione bilis quaerenda est, quae ob constrictionem difficulter in duodenum euacuatur, quin et in sanguine remanet ; spastica autem hac constrictione in contensum trahuntur diaphragma, vnde singultus, ventriculus et connexa intestina, vnde deiectiones biliosae ortum sumunt; aut enim exprimitur bilis quae restat et adhuc in intestinum fluit etsi parcius, quam in statu sano, aut si bilis nimis abundans et acris, rodens facta caussa inflammationis fuit, ob copiam protruditur; ex iisdem etiam fontibus cardialgia oritur, quae augetur tam ob tensionem neruorum supra descriptorum, quam quia intestina flatus ob constrictionem retinent. Si deni-que totum neruosum genus, quod facillime fieri potest constrictis supra nominatis validis nerueis truncis adeo late communicantibus, similia patitur, liber intercipitur liquidi neruei circulus et distributio, euertitur sic vltimarum quoque fibrarum sensatio, vitalitas, elasticitas, decens

r) Vid. Frid. HOFFMAN. Medic. Syft. Tom. IV. P.I. Sect. II. p. 346.

cens nutritio et quae plura sunt; patet adeo quoque ratio syncoptici affectus et faciei hippocraticae.

6. XIV.

Si porro in regione hypogastrica transuersim quasi aeger doloris sentiat sedem, quem ad haec nausea et vomendi conatus vexant, eam coli partem, quae a dextro versus finistrum latus tendit, inflammatione correptam esse, iudicamus; si vero eo potissimum loco saeuiat, quem in hypochondrio dextro costae tegunt spuriae, non dubito eam coli partem inflammatam dicere, quae cum Ileo connectitur; sinistrum vbi latus in regione lumbari musculique Psoa potissimum ingrato exagitatur sensu, eam coli et mesocoli portionem adsectam prodit, quae peritonace adhaeret. s) §. XV.

Inflammationis intestinorum signa excipiunt iam caufsae eiusdem. Omnis inflammationis in genere caussa vt aiunt proxima est stasis sanguinis purpurei; quicquid ergo stafin hancce producit, caussa inflammationis remota nominari potest. Caussae hinc inflammationis intestinorum funt communes cum aliis inflammationibus; Si enim (§. VI.) compreffione vel constrictione nimia arteriolarum sanguiferarum vel spissitudine globulorum ipsa stasis fanguinea in aliis corporis partibus oritur, vascula intestinorum iisdem obnoxia erunt. Vasa serosa eandem patiuntur obstructionem (per §. VII.) impulsu fluidorum aucto vel apertione osculorum spontanea. Nimis autem prolixum foret casus speciales recensere quosuis, quibus stafis haecce

s) Vid, modo cit. HOFFM, Sect, II. p.'539.

18

haecce producitur; sufficiat nobis percurrere tantum res n. naturales et p. n. iisque potissimum inhaerere, quae inflammationi intestinorum prae aliis visceribus frequentius ansam praebent.

#### §. XVI.

Inter res non naturales primum occupat locum aer, cuius quidem intemperies calida iustam sanguinis condensationem impedit, eum ipfum expandit et fluidiora, aquofa, diluentia disfipat; sicque morbos producit resolutorios; auctus simul sanguinis impulsus aperit vascula minima, quae tunc admittunt fluida consueto more crassiora, sicque superato corum tono obstructioni viam sternit; potius tamen repente frigida existens constrictionem vasorum subitaneam producit, maxime in illis locis, qui caeteris sensibiliores sunt, et improuide exponuntur; vnde frequentiore experimur experientia, refrigeratione imi ventris vel etiam pedum infolita tormina oriri vehementiora, quae plerumque stafin sanguineam pro caussa agnoscunt. t) De acre quouis titulo impuro eosdem exspectabimus effectus in ventriculo et intestinis, ac si immediate illis applicarentur particulae, quibus inquinatus est; saliua enim mixtae, quauis deglutitione visceribus hisce committuntur, et contactum cum eorum parietibus immediatum quasi exercere possunt.

C<sub>2</sub>

### §. XVII.

t) Fateor quidem alias etiam aeris intemperies inflammationum grauiorum cauffas efficere remotas, v.gr.aer calidus et humidus, grauis vel rarefactus nimis; nifitamen praedispositio quaedam intestinorum adsit, vix corum prae alio viscere exspectare licebit inflammationem.

# §. XVII.

Maximam absoluunt paginam ad generandum nostrum affectum assumta, quo nomine cibum, potum, medicamen-tum et venenum quoduis ingestum comprehendimus; quae vltima, etiamsi ad res non naturales proprie non pertinere aliquis sentire possit, commode tamen simul nunc a me considerantur. Cibis copia excedentibus facultatem. vasa premendi, sicque stasin producendi non denegabit, qui proximam eorum cum intestinis considerat vicinitatem, nimia etiam ventriculi et intestinorum extensione vel debilitant plane solida, vel quod minimum ferme est ad p. n. constrictionem illa disponunt; vnde non raro conuulfiones ortum trahere valent; aliquando autem totum obstruunt canalem, sicque lleon, morbum atrocissimum producunt. Noui talem casum, vbi cerasa integra, nimia. deglutita quantitate, obstruendo canalem intestinalem, non tantum misere affligebant aegrum, sed subsequens inflammatio in sphacelum terminata illum necauit. Vidi alium, qui deuoratione panis rudioris recentis obstructionem talem ad mortem vsque expertus eft. Cibos viscidos, graues et tenaces, non ergo facile expellendos idem sequitur effe-Aus; cibi acidi, acres concentrati irritationes in primis viis producunt, sanguinem coagulando, corrugando vel laedendo vascula minora, illum ad quietem disponunt. Potus acidus, austerus inspissando stuida; crispando solida agit pro gradu concentrationis; Spirituosus auget impulsum; maxime tamen potus frigidus vel glaciatus vti saepius moris est, praegressa corporis exagitatione tanti periculi stasin et inflammationem infert, vt veneni assumti suspicionem aliquando exhibeat. Intempestiua et nimia

aquae

aquae ingurgitatio nuper atroces edidit effectus; puella nempe post assumtionem purgantis ex Rad. Ialapp. refinos. pfat.gr.VIII.et merc.dulc.gr.II nullam medicamenti fentiens virtutem, plenis haustibus superbibebat infusum herb. Theae, mox experitur cardialgiam, anxietates summas et vomitus, quae symptomata cum aestu febrili incipientem iam inflammationem, magnum vero periculum sudor frigidus monstrarunt, non aliunde orta, quam quod particulae quaedam refinosae ventriculo et intestinis se affixerant; prout idem de omnibus refinosis purgantibus fieri solet, si affatim superbibitur. In exemplum esse possunt haec adducta, quod Medicamentum etiam Veneni fubinde pro rerum circumstantium ratione induere possit indolem; summo hinc iure vtrumque productae inflammationis in se deuoluet culpam; cuius tamen fusiori declarationi ideo eo libentius supersedere possumus, quia penitius cognita eorum natura, paucis exceptis, eas nobis inhaerentes manifestabit partes, quae vel ad vasa debilitanda vel irritanda et laedanda, vel coagulanda fluida suum contribuunt fymbolum.

#### §. XVIII.

Vix inde etiam excludi poterit motus iusti gradus limites transgressus, qui indole sua haud multum ab aeris calidi effectu discrepat, nisi forte violentam quandam per motum sanguinis purpurei in vascula intrusionem accusare lubeat.

#### §. XIX.

De animi pathematibus notum quidem est, quod actiones corporis mutare, turbare, sicque augere et imminuere valeant; excepta tamen ira nullus facile alius affectus, C 3 nostrum 22

nostrum inducere poterit malum, et omne quod ira præs stat, reduci potest ad exagitationem sanguinis et bilis, quae potissimum tunc nocet, si, quod irati saepius solent, spis rituosa vel frigida ingurgitantur, quorum actio autem supra iam monstrata est.

Retenta quod attinet, haec aut mole fua vaforum compressione, plerumque tamen et potissimum acri su indole vt acria iamiam exposita haud diu in intessini subsistent, quin parietum eorundem quibus continentur comitem habeant inflammationem. Reliquarum denique rerum, quas sub non naturalium nomine Medici contem plantur, agendi exponere modum minus ideo necessarium videtur, quoniam omni inflammationi non ei autem foi lum, quae nobis ob oculos versatur, aptae aliquando deprehendantur.

#### S. XXI.

Inter res praeternaturales, quae causae inflammationis intestinorum nominari merentur primam mihi occupant prouinciam ii affectus, qui conspicuo quodam mechanismo per se comprimunt vel contorquent adeo vasa, vi praeclusa quasi sint liquida in vasis intestinorum interceptorum haerentia, vnde certo breui stasis, obstructio et inflammatio ortum sumere debent; huius indolis sunt: Voluulus, hernia incarcerata, inuaginatio intestinorum, frequenter etiam ileus, qui morbi, si ad nostrum solum affectum respexeris, nomine non autem effectu discrepant. Huc quoque referri possunt foeces induratae, vel concrementa quaeuis in intestinis haerentia, quae eadem ratione inflammationem producere valent.

XXII.

#### S. XXII.

Alia dein classis erit, quae ex folutione continui inflammationes intestinorum continet; pertinent huc vulnera intestinorum, a vi externa inflicta, quae ex inflammatione in sphacelum quandoque terminante maxime ab Auctoribus lethalia declarantur; vel aliae quaeuis eorundem laesiones, ingestione peregrinorum corporum aut animalium rosione prouenientes; quorum exempla in historiis morborum prostant diuersa; speciatim de laesionibus vermium varios recenset casus SCHENCKIVS u) vbi inter alia asserit; Lumbricos non tantum arrodiste, fed penitus perforasse intestina, quin et per abdominis parietes prodiisse, exempla prostant. v)

§. XXIII.

Materies porro quaeuis acris, putrida, destructa, purulenta, ichorofa, vel gangraenofa ex aliis corporis partibus ad intestina delata, inflammationis eorum culpam feret; dummodo materia peccans, ob relatiuam intestinorum debilitatem, per actus secretorios magis huc quam ad alia transferatur viscera; quod non raro contingit v. gr. in decursu variolarum non optimae notae, vbi loco faliuationis alias consuetae diarrhoea oritur, quae etsi periculum non semper minetur, attamen manifesto indicio est, intestinorum parietibus inhaerere portionem materiae destructae. Eodem argumento exanthemata retropulsa, vel metastas vt vocant ex aliis visceribus ad

Inte-

u) Obseru. Med. L. III. Obs. V. p. 373.

v) Ephem. Nat. Cur. Dec. I. Ann. I. Obf. 145. et Dec. II. Ann. VII. Obseru. 15. intestina decubitum facientes, incendium eorum foucbunt; quod notauit quoque BOERHAAVE vv) et HOFF. MANN x) de inflammatione ventriculi idem pronuntiat.

S. XXIV.

Adnumeramus denique caussis nostri affectus p. n. omnes illas febres acutas, quae euidentem in intestinorum impuritate haerente acredine biliofa, corrofiua agnoscunt causam; Febres nimirum catharrhales malignas. castrenses, causum, febrim biliosam, hemitrida eam, ver. minofam, epidemicas, dysentericas, mesentericam etc. Speciatim autem hae febres recensitae inflammationem intestinorum ideo caussantur, quia haec viscera impurita tibus iam obruta omnium primum corruptioni apta funt quam diu enim impuritates sibi quasi relinquuntur, actic eorum minor concipi potest, quo minus stasin aut inflam mationem producat; motu autem febris resolutorio exal tantur, si fas est ita loqui, ad tantum gradum, vt faci le parietes, quibus continentur, adgredi valeant. His in cafibus affectus noster morbis modo recensitis vt sym ptoma se adiungit, nil minus tamen periculi alit, quin potius, viribus animalibus ex praegresso vel coniuncto primario morbo iam debilitatis, magis perniciosus deprehene datur, hinc merito curae medici dignus confendus est Sed ne toti exponendae causarum farragini inhaereamus ad ea nos ordo accingere iubet, quae in fugandis tur caussis tum caussarum effectibus aliquam sibi vindicant virtutem.

§. XXV.

vv) Aphorism. §. 959. a) Med. Syft. Tom. IV. P. I. Sect. II. Cap. III. §. VII.

24-

#### . S. XXV.

Inflammationis Cura perfecta absoluitur tempestiua et plenaria staseos discussione; eundem ergo in nostro affectu praefixi finem, quem obtinendum censeo indicationibus sequentibus generalioribus. 1) Adest febris eaque acuta, huic vt symptomati vrgenti succurrendum est temperando aestum, motusque resolutorios nimios. 2) Resoluenda tamen est stasis sanguinea in parietibus intestinorum oborta, et remouenda irritatio. 3) Praecauenda est stasis vlterior vel noua, vt et metastasis in vlcera vel gangraenam et sphacelum. 4) Corrigenda funt ea, quae caussam huic affectui dederunt, vel si emendari nequeunt, remouenda etunt e corpore,

### §. XXVI.

Imae et ex parte IV tae indicationi fatisfaciunt terrea fixiora e. gr. pulu. Conch. Lap. cancr. Matr. perl. ppt C. C. philos. Antimon. diaph. vel compof. temperantes et nomine tantum bezoardici, March. etc. quae fingula abforbendo et corrigendo partes biliofas modice temperant motus refolutorios; adiunguntur his non incongrue falia media: Tart. vitriol. Arcan. duplic. fal amarum, quae fimul incidendo et refoluendo fuum praeftant vfum. Omnium vero optime fe gerit nitrum, quod in inflammationibus internis maximo vfui effe folet iis, qui intemperie calida laborant; abftergit enim non folum et refoluit, fed fuo principio acido partes fumme agiles adhaerendo illis figit, mutatque in tertium quoddam humoribus quafi adaequatum; indirecte fic fpasmos et dolores mitigat, et putredini refiftit. Hisce pulueribus tempe-

D

randı

### DISSERTATIO INAVGVARLIS MEDICA

26

randi scopo addi possunt aquae destill. leniter diaphor. acidiusculae: fl. fambuc. Lil. conuall. Ceraf. n. Fragor. cum Sirup. Acetos. citr. in forma mixturae propinanda. Aut substituuntur alternatim Tinct, temperantes et lenientes : fl, bellid. rosar. r. papau. rh. cum sp. nitr. dulc. vel liq. anod, min. Hoffm. Plura autem horum remediorum afferre dubito, cum passim iam a practicarum rerum scriptoribus producantur, et quod reliquum effet, haec prima indicatio idem cum aliis febribus acutis exposcat regimen. Potus nimirum sufficiens aquosus, non nimis frigidus, acido citri vel quouis alio correcto impraegnatus calorem temperando et diluendo materiam morbi qualemcunque locum habebit. Aer frigidiusculus nimis calido ex eadem ratione conuenientior erit. Exulent ergo alexipharmaca potentiora, spirituosa, anticolica, cardiaca v. gr. Ol bezoard. Wed. et quae huius farinae funt,

#### §. XXVII.

IIdae conueniunt ea, quae fanguinem in partes minores feparant, adeoque illum, qui coiuit, rurfus diuidunt et ad permeandum aptum faciunt, id eft refoluunt. Aut vim naturae in visceribus laefis augent. Horum claffis ampliffima eft in mat. med. fub refoluent. et discut. titulo. v. gr. Rad. refolu. farfapar. chinae etc. Herb. Veronic. fanicul. fcabiof. Pyrol. millef. in forma infufi cum fem. foenic. leniter refolueudo humores, et roborando partim fibras diftentas proficua erunt; nec fp. tartar.cum liq. anod. mixti pauca dofis pertimescenda erit; mixtur. etiam praec. lenior N. I. fcopo refoluendi quadrabit: Indicantur porro falia media, quorum nitr. certo reliquis

pal-

palmam praeripit. Notandum tamen, quod ex resoluentibus illa folum eligimus, quae introfumta febrim non au-gent. Fortiora v. gr. Arnic. infuíum, fpecifici alias in congrumato fanguinis refolutione víus, heic admittere nequaquam poflumus; quia acri ftimulante fua actione febri plus noceret, quam prodesset stass fanguineae; idem valet de camphora propinata, quae fummam refoluen-di virtutem exercet, ob exagitationes vero, quas produ-cere folet, minus fecura erit. Si vero neceffitas vrgeat, eadem refracta admodum dofi in víum vocamus, aut externe tantum adplicamus sub cataplasmatum, sotuum, clysterum vel sicca forma. Quin et mucilaginea, inter quae Rad. Cichorei Graminis et Glycyrrhizae vsitatissima funt, huc non abludunt. Clysteres inprimis ex spec. emoll. ol. chamom. amygd, dulc. cum nitr. et pauxillo camphorae parati et iteratis vicibus applicati tunc maxime profunt, Si irritatio magna et inde dolores fummi, agrypniae, deliria etc. aegros male habent; nec incongruus, cautifsimus tamen erit sedantium vsus, quia omnia anodyna debilitant, et palliatiua sunt; hinc morbis magnis non secure opponuntur; leniora modo sint, quae adhibemus, ex. gr. M. P. de styrac. de Cynogl. tantillum additur pulu. temperant. vel in mixtura sirup. papar. rh. substitimus, quibus lenissimis absque damno effectum experimur exoptatum.

### §. XXVIII.

IIItia indicatio impletur ex parte, fupra adductis n. I. et II. speciatim autem commendatur a quibusdam V. S. quae etiamsi iam sactam et ad tempus aliquod durantem inflammationem difficulter tollere poterit in totum,

D 2

de-

deriuatio enim tum demum locum habere videtur, vbi fanguinem mittere poffumus ex canalibus loco adfecto maxime propinquis, nec eadem ad longum admodum tempus durabit, tamen non spernenda est, quia Imo) exempla adfunt, morbos inflammatorios paucis exceptis mitigari valde vena secta, imo omnemaliam aliquando respuere medicationem morbos epidemicos, historiis morborum reliquerunt artis salutaris Practici. y)IIdo) Si signa plethorae magnae, cuius vtique in doctrina de vsu V.S.habenda est ratio, et suturae incuneationis inflammatorum vasorum subfunt. S. XXIX.

Metastafis in vlcera et IVta. Indicatio poscunt ea, quae pro indole materiae morbificae oppositae quafi naturae, vel probati vsus funt, vel fi causa mali inpartium morbosarum nimia concentratione aut agilitate fita est, inuoluentia, mucilaginosa v.gr. gelatin. C. C. farinacea: cremor hord, auen diluentia: infusa horum vel lac aquos. et oleosa supra descripta, morbum faltem benigniorem reddunt. Materia acris, acida, vel alcalina, putrida prout venena este folent, mutanda est oppositis in fal bonum etc. que ex Therap. generali facile substitui possitura est et peremtura, antequam emendari potest, commode eliminatur e corpore potu aquae tepidae vel Ipec acuanha psat. fi in principio fieri potest; magna interim-circumspectione indiget vsus emeticorum,

y) Refert SCHENCK I. cit. L. III. obf. l. p. 355. inflammationes intestinorum et dysenterias rebelles V. S solum curatas esse. HOFFM. l. saepius cit. p. 545. frequentione edoctus experientia serio eandem cum cautelis commendat, et obseru, SY-DENHAM. RIVER, aliisque illustrat.

ne

ne febris ex irritatione majore crescat, tum et ratio indiuiduorum habenda est. Circa vomitoria itidem prostant cautelae ubique in Therap. gener. et spec. Illustr. HEISTE-RVS z) inprimis applaudit maxime D. WAGNERO, qui febres exanthematicas varias, petechizantes, purpuratas et alias sub nomine intestinalium vel mesentericarum comprehendit, illasque methodo quasi heroica ope Ipecacuanhae optime debellari contendit. Securius tamen vbique abstergentibus vti licet, qualia sunt salia media, Rhabarb. in substantia vel in extract. gummof. quae leniter euacuant, vel clysteribus frequentioribus, vid. praeced. §. §. si vero motus resolutorii totam destruere minantur machinam, priusquam materies morbi vel corrigi vel plane eliminari possit, tunc probatorum eorum indicatur víus, quae roborando leniter, fimulque inuoluendo agunt, v. gr. Cort. Cascarill. Peruuian. vel aequipollens alterutri horum Cort. vel Lign, simaruba; modo non intempestiue vel absque speciali individuorum corporum consideratione adhibeantur. Actionem enim constrictoriam illis denegare nefas esset; et horum ergo cautelae, hinc inde reperiundae, iudicio Medici discretiuo committuntur.

#### §. XXX.

Eodem titulo postularent adhuc indicationes specialissimas caussa affectus nostri remotae, quarum non nisi potiores breuiter tantum proferre necesse duco. v. gr. Caussa illae, quae complicationibus vel compressione inflammationem produxerunt, vt hernia incarcerata repo-D 3 fitio-

3) In Compend. Therap. special. Cap. V. S. 29. etc. Lipf. 1744 vbi plura videre licet.

# 30 DISSERT. INAVG. MED. DE INFLAMMATIONE INTESTIN:

sitionem exposcit aliaque remedia, quae sub externe applicatis n. Il. iam sufficienter subministrata sunt, ex. gr. clysteres, inter quos mel locum non habet, emollientia cum vino vel lacte aquosa, saponacea. Indicant Volunlus et inde pendens Ileus lubricantia et lenientia, c. gr. olea blanda, quibus praemiss, deglutienda grauia e. gr. globulus plumbeus, mercurii crudi copia: horum tamen infida et incerta est actio, augere enim voluulum adeo leui negotio quam explicare possunt. Foeces induratae et alia dura deglutita resoluenda adhuc; diluentia, aquosa, emollientia, oleosa, lenster stimulantia, salia media, faponacea poscunt. Vulnera depurationem, abstergentia, consolidationem, balsamica requirunt etc. Vermes sunt eliminandi, necandi oleosis, amaricantibus vel mercurial. v. gr. mercurii crudi decocto aquofo vel alio appropriato. Sic etiam vomitoria specialissime indicant venena varia, quae eo plus nocere possunt, si per totum tubum intestinalem traducuntur; quod idem valet de uitiis diaetae, quae caussae sunt febrium epidemicarum, vel alia quaeuis, vbi materia peccans adhuc in primis viis decumbit. Plura superesse fateor dicenda, sed rem exhaurire penitus, vix permittunt speciminis inauguralis limites.

